

Namołwa němskich biskopow k swjatkownej akciji Renovabis 2025

Lube sotry a lubi bratřa,

w bibliji čitamy: „Bóh stwori čłowjeka po swojim wobrazu, po wobrazu Božim stwori wón jeho“ (Gen 1,27). Za křesćanow to woznamjenja: Kóždy čłowjek wobsedźi – po wobrazu Božim stworjeny – dostojnosć bjez wuměňenjow, kotruž njemóže jemu niktó wzać.

We woprawdźitosći pak dožiwjamy, kak so čłowječa dostojnosć přechozja z nohomaj tepta.

Žony a mužow na zakładze jich pochada, jich nabožiny abo jich nastajenja wumjezuja a mała hódnosć. Woni dyrba wójny a diktatury znjesć, wobchadžeja z nimi kaž z tworom, znjewužiwaja a wuklukuja jich. Woni su w nuzy a pod čłowjeka njehódnymi poměrami žiwja – a to wšudze na swěće, tež we wuchodnej Europje. Na to skedźbnja Renovabis, solidaritna akcija katolskeje cyrkwy w Němskej z ludźimi w srjedźnej a wuchodnej Europje, a staja swoju lětušu swjatkownu akciju pod hesło: „Dostojnosće poćni. Ludźi na wuchodze Europy skrućić“.

Džiwa při tym wosebje na tři skupiny, kotrymž je Renovabis ze swojimi partnerami na městnje poboku: přistušnikam mjeńšiny Romow, kotrychž w mnohich krajach přeco hišće na kromu towaršnosće tłóča; žonam a holcam, kotrež su wopory wikowanja z ludźimi; a nic naposledk ludžom w Ukrainje, kotřiž dyrba čěžkich scěhow wójny dla čerpieć.

Wutrobnje Was Prosimy: Podpěrujće naležnosće skutka Renovabis, z tym zo so za nje modliće kaž tež wulkomyslnje darujeće. Pomhajće sobu, dostojnosć ludźi na wuchodze Europy skrućić.

Klášter Steinfeld, 13. měrca 2025

Za Drježdžansko-Mišnjanske biskopstwo
+ Heinrich Timmerevers
Drježdžansko-Mišnjanski biskop